
BOSNA I HERCEGOVINA
Federacija Bosne i Hercegovine
KANTON SARAJEVO
GRAD SARAJEVO
GRADONAČELNIK



Grad Sarajevo
City of Sarajevo

BOSNIA AND HERZEGOVINA
Federation of Bosnia and Herzegovina
CANTON OF SARAJEVO
CITY OF SARAJEVO
MAYOR

ODLUKA
o
utvrđivanju Javnog interesa i pristupanju realizaciji Projekta izgradnja ski staze Trebević i
pratećih objekata
(Prijedlog)

Predlagač: Gradonačelnik

Obrađivač: Gradska služba za urbano
planiranje, investicijske,
stambene i komunalne poslove

Sarajevo, februar 2019. godine

Adresa: Hamdije Kreševljakovića 3, 71000 Sarajevo, Bosna i Hercegovina
Tel: +387 33 208 340, +387 33 443 050; **Fax:** +387 33 208 341
e-mail: grad@sarajevo.ba; **web:** www.sarajevo.ba



EYOF 2019
Sarajevo & East Sarajevo

Na osnovu člana 4. stav 1. i 70. Zakona o javnim skijalištima („Službene novine Kantona Sarajevo“, broj 54/12, člana 15. Zakona o pravobranilaštvu Kantona Sarajevo („Službene novine Kantona Sarajevo“, broj 33/08 - novi prečišćeni tekst, 7/12 i 44/16) i člana 26. stav 1. tačka 2. i člana 73. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), Gradsko vijeće Grada Sarajeva, na sjednici održanoj dana __. __. 2019. godine donosi:

(prijedlog)

ODLUKU

o

utvrđivanju Javnog interesa i pristupanju realizaciji Projekta izgradnja ski staza Trebević i pratećih objekata

Član 1.

Ovom odlukom utvrđuje se Javni interes Grada Sarajevo za izgradnju javnog skijališta – ski staza Trebević i pratećih objekata.

Član 2.

Daje se saglasnost Gradonačelniku i Pravobranilaštvu Grada Sarajevo da, u okviru svojih nadležnosti, preuzmu sve pravne, tehničke, finansijske radnje i aktivnosti u cilju realizacije Projekta u svojstvu investitora, kao i da poduzmu radnje na rješavanju imovinsko-pravnih odnosa putem odgovarajućih pravnih poslova i radnji.

Član 3.

Izgradnja javnog skijališta – ski staza Trebević i pratećih objekata iz člana 1. ove Odluke realizovati će se po trasi određenoj Projektom idejnog koncepta razvoja skijališta Trebević – master plan razvoja skijaških staza uz trasu Trebevičke žičare - od Vidikovca do Jarčedola izrađen od Nox biro d.o.o. Sarajevo, novembar 2018. godine.

Član 4.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

PREDSJEDAVALAČI GRADSKOG VIJEĆA

Igor dr. Gavrić

Broj:
Sarajevo, __. __. 2019. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 4. stav 1. i 70. Zakona o javnim skijalištima („Službene novine Kantona Sarajevo“, broj 54/12) kojim je propisano da je javno skijalište uređena javna površina, pogodna za organizovanje skijanja i specijalizovanih zimskih sportskih aktivnosti sa objektima, uređajima i opremom čije je korišćenje odnosno izgradnja od opšteg interesa i da će Grad Sarajevo svojom odlukom utvrditi javni interes Grada za izgradnju skijališta, članu 15. Zakona o pravobranilaštvu Kantona Sarajevo („Službene novine Kantona Sarajevo“, broj 33/08 - novi prečišćeni tekst, 7/12 i 44/16) kojim je propisana dužnost pribavljanja saglasnosti Gradskog vijeća na pravne poslove imovinsko-pravne prirode, kao i u članu 26. stav 1. tačka 2. Statuta Grada Sarajevo („Službene novine Kantona Sarajevo“, broj 34/08 – prečišćeni tekst) kojim je propisano da Gradsko vijeće Grada Sarajevo ima nadležnost da donosi odluke, druge propise i opće akte i daje njihovo tumačenje i članu 73. Statuta Grada Sarajevo kojim je propisano da je Gradsko vijeće nosilac prava raspolaganja imovinom (nepokretnom i pokretnom) Grada Sarajevo.

OPIS PROJEKTA

U cilju revitalizacije Trebevića i povećanja turističke ponude u našem gradu, Grad Sarajevo je ranije započeo aktivnosti na realizaciji projekta Ski staze na Trebeviću te je u tu svrhu naručen i izrađen IDEJNI KONCEPT RAZVOJA SKIJALIŠTA TREBEVIĆ - MASTER PLAN RAZVOJA SKIJAŠKIH STAZA UZ TRASU TREBEVIĆKE ŽIČARE.

Cilj Idejnog koncepta je prijedlog razvoja i evaluacija prostorno - turističkog razvoja skijaških kapaciteta, te postojećih turističkih i planiranih skijaških kapaciteta u varijantama zimskog i ljetnog korištenja planinske zone Trebevića. Za izradu ovog dokumenta korišteni su svi relevantni kriteriji potrebni za razvoj sistema ski staza.

Idejni koncept ski staze Trebević podrazumijeva samu ski stazu, vertikalni transport (ski lift) i sistem vještačkog zasnježivanja.

Ski staza je podijeljena na dva segmenta, i to kraći od same stanice Trebevićke žičare do platoa tzv. „helirom“ u dužini od 156 metara i duža staza od „heliroma“ do podnožja Male Čoline kape u dužini od 1009m.

Predviđen je ski lift od podnožja Male Čoline kape do „heliroma“, dvosjed, dužine 730m, a za malu stazu je predviđena je „beskonačna traka“ dužine 156m.

Predloženi koncept razvoja skijaškog sistema podrazumijeva razvoj sistema vještačkog zasnježivanja sa posebnog lokaliteta na kojima je neophodno obezbijediti dovoljne kapacitete vode. Predviđena je gradnja površinske akumulacije vode sa pumpnom stanicom koja se u toku ljetne turističke sezone može koristiti kao jezero.

Putem Kantona Sarajevo sa Opštinom Istočni Stari Grad realizovali smo snabdijevanje vodom platoa Vidikovac na Trebeviću što je jedan od osnovnih preduslova za razvoj skijališta na ovom lokalitetu.

Osnovni podaci

- DUŽINA STAZE: 1009,26 / 156 / ukupno: 1174,26 m
- VISINSKA DENIVELACIJA: 239 / 19 / ukupno 258 m
- MIN. ŠIRINA STAZE: 15 m
- MAKS. ŠIRINA STAZE: 104,84 m
- POVRŠINA STAZE: 5,66 ha
- POLAZNA STANICA SKI LIFTA: 886 / 1125 mnv
- DOLAZNA STANICA SKI LIFTA: 1125 / 1148 mnv
- DUŽINA SKI LIFTA: 730 / 156 m
- BRZINA LIFTA : 2,5 m/s / 0,6 m/s
- BR. SKIJAŠA /h : 2000 / 1300
- UDALJENOST OD DOLAZNE STANICE TREBEVIĆKE ŽIČARE: cca 20 m



Grad Sarajevo već poduzima dalje aktivnosti na realizaciji ovog projekta, te se:

Ispituju imovinsko - pravni odnosi na svim predmetnim lokalitetima;
Razmatraju se koncepti osiguravanja svih potrebnih dozvola za izgradnju;

Aktivnosti na pribavljanju projektne dokumentacije:

Detaljne sniježne karte svih staza;

Detaljne planove ski staza; (regulacioni plan staza i geodetski elaborat trasiranja)

Detaljne planove (idejne i izvedbene) za ski liftove, sisteme zasneženja, objekte za održavanje i upravljanje ski sistemom, te popratne ugostiteljske objekte uz ski staze;

Stvaraju se uslovi za projektovanje i obezbjeđivanje svih neophodnih dozvola za razvoj navedenih sadržaja.

FINANSIJSKA SREDSTVA

Finansijska sredstva za realizaciju ove Odluke obezbjeđena su u Budžetu Grada Sarajeva za 2019. godinu na poziciji 615 100 Ski staza Trebević.